

重鐫神峯張先生通考關謬命理正宗大全卷之二

臨川西溪逸叟神峯張楠著

友人索古子元臺杜春芳校正

欽差福建布政司左布政郭子章發行

男 希禹 希曾 希伋 希文 希皋 希尹 彙編

孫 世臣 世相 世仁 世科 世卿

菰林四知館麗泉楊芳校正

飛天祿馬格 附倒冲祿馬格

楠曰飛天祿馬格蓋取祿為官財為馬郭子章發行

見子字多冲出午中丁火爲官星冲出巳土爲印星則
庚日得官印矣蓋欲子多則能冲出亦畏有丑字則欄
路道不能冲出畏午字丁字巳字則破格壬日干喜子
多暗冲出午上丁火爲財星巳土爲官星則壬日有財
官矣亦喜子多則能冲出財官畏見丑欄之午破之又
癸亥日又見亥時柱中本無官星也用亥巳倒冲出巳
土丙火爲正財戊土爲正官畏子字欄柱路不能冲及
巳運破其格蓋亦喜亥多方能冲出又丁巳日干本無
官星喜巳多暗冲出亥中壬水爲官要巳多方能冲畏
午字欄之亥字破格此數格俱以日干時月無官俱要
巳多暗冲出官星出來此數格自非造化自然之理俱

作聰明以取其理但庚子壬子癸亥三箇日子子亥多者多見富貴但庚子曰主若見子多似水泄金氣似要有火暖之若金水氣大寒失中和之道亦不可以飛天論之丙午日子字多暗冲子中癸水爲官理亦同前此格俱係本然無官星但以類聚我人多冲之以取其官此理似無而又有似非而僅是也

喜忌篇云内有正倒祿飛忌官星亦嫌羈絆

楠曰内有者蓋言四柱中有庚子壬子辛亥癸亥四日爲正飛天祿馬格固忌官星填露亦忌合神羈絆有丙午丁巳二日爲倒飛天祿馬固忌官星填露亦忌合神羈絆如庚子曰要柱中有子字多虛冲午中丁字出爲

庚日之官星柱中有寅字戌字或未字但得二字合午
爲妙不要四柱中有丑字絆字則子字貪合不能冲午
中之祿若柱中有丁字午字填實或丑字絆住則不貴
也丙巳字爲七煞偏官則減分數歲運亦須忌之如吉
蔡妃造

巳未

丙子

庚子

丙子

三子暗冲午而未合

也如壬子曰要柱中有子字多虛冲午中巳字出壬日
得官星柱中有壬戌未得一字可合爲妙亦不要四柱
中有丑字絆住則子字不能去冲午中之祿若四柱中
有巳字午字填實或丑字絆住則不貴也戊巳字爲七
煞偏官則減分數歲運亦須忌之如古橫行正使浩浩

壬子 壬子 壬子 壬寅

亦三子暗冲午而咎才

壬子 壬子 壬子 丙午

則以三子冲午頃實為禍

○鷓鴣天云禄馬飛天識者希

庚壬二日報君知暗逢丁

字為官禄寅戌未合換紫衣整

象簡佩金魚凌烟閣上姓

名題虛合官星財禄厚金榜標

名到鳳池

酉歌云庚寅二日重逢子虛冲

禄馬號飛天如行金水多

清貴運轉南方數有邇如辛癸

二日生亥柱中亥字多冲

出巳中丙火戊土為官星柱中

要有申酉丑字但得一字

合起為貴若柱中有戊巳丙二

字則壞此格有戊字則亥

不能去冲歲運亦忌運重太歲

輕再見巳字填實則為禍

楠曰舊經傳甚明但辛癸日

多逢亥字冲巳若四柱中

有戌字則亥不能去冲何也蓋亥見成爲天羅主多生
蹇滯凶害所以不能去冲與他羈絆不同或者疑舊文
戌字謂恐作寅字非也如

古梁丞相造

丁未

癸卯

癸亥

癸丑

亥中丑合

古曹郎中造

壬申

辛亥

癸亥

壬子

亥冲申合

鷓鴣天云飛天祿馬貴非常辛
生官祿逢合冲官近聖王利祿
高強運逢巳午凶灾起歲七年

癸都來二日強無庚丙戌
供顯妙名揚酉丑一位最
受禍殃

庚子

庚申日主子申重

甲申

高功韶尚書

楠

午土財官暗喜冲

庚子

飛天祿馬格

日

金水兩干無剋雜

甲申

邦家萬世有奇功

庚生申月下通申子之氣水盛則能動干中丁巳作財官再行北方重七水氣冲之又喜身主有氣飛天祿馬格真

也

倒冲祿馬格舊賦云丙午日柱中用午字多冲出子宮癸水爲宮星不論帶合若柱中有未字絆住則午不能去冲柱中大忌見子字則禍也如丁巳日柱中用巳字多冲出亥中壬水爲宮星柱中忌見壬亥字不美也不論合若四柱中有辰字則巳不能去冲也君大運亦同運重歲君輕

稱曰舊經文明白但丁巳巳字多冲亥若四柱中有辰

字則已不能去冲何也蓋已
凶害所以不能去冲與他羈

見辰爲地網主多生蹇滯
絆不同而或有疑舊文辰

字或當申字亦非也

易散云丙丁離巽動江湖歲運

無官入仕途厚利榮名還

有利定教榮貴感皇都

又曰丙午丁巳名倒刑若無辰

未絆相宜不逢壬癸來填

實富貴双全大出奇

繼善篇云得佐聖君貴在冲官

逢合正此正倒祿飛之謂

也

子逆巳格

楠曰子遇巳取甲子日甲子

時蓋取子申癸水淫動巳

中戊土戊土動丙火丙火合辛金甲木得辛金爲官星也忌四柱天干有庚金七煞絆住甲字辛字官辛破格及有午字冲子不能動也當以搖動之搖字但此遙遠作合理亦通也月令有正格可用爲是無正格以此取用此理近是而非屢試亦有驗畏西方申酉戌巳酉丑運寔了官星也

喜忌篇云甲子曰再遇子時畏庚辛申酉丑午

或以此格舊傳以甲子曰見甲子時其子遙合巳宮戊土來動丙又去合酉中辛金爲官星要行身旺鄉如月令通木方論歲運及四柱中忌有庚辛申酉字爲官殺填實又忌丑字絆住午字冲子不能去遙並未喜官

運之說而格解說喜官運何也余曰此格固不可見官
 星若生春月又坐印重上並生冬月印愈旺矣無官則
 身旺無極歲運遇見官星多有資財昌盛功名顯達大
 富貴者余嘗驗之矣故曰木旺得金方成棟梁官印兩
 全乃是貴人此等格局亦當通變不可執一以爲不可
 見官星格解此說極是經曰通變以爲神是也觀古歌
 云甲子重逢甲子時休言生旺不相宜月生口主根元
 壯運入官鄉反得奇則格解非無稽也可見矣或者不
 悟此歌改月生日主根元壯而爲無根壯又改運入官
 鄉反得奇而爲反不奇俱非只以生春月冬月干支水
 木太多者論要輕重較量如生傷官食神印綬財官之

月只以六格斷之不可作子遙不然則差之毫厘謬之千里

巳亥 乙亥 甲子 甲子 古錢丞相造

自十六七後就行金鄉酉申運並運千庚辛金四十年不斷官至宰相則生多月印綬當行官運也明矣

丙寅 壬辰 甲子 甲子 古趙知府造

三十旬內行申酉官鄉運功名顯達官至知府則生春身旺之月喜行官旺也明矣豈可以遙遙已爲皆不可見官星填實哉

鷓鴣天云甲臨子位日時全遙作蟾宮折桂僊癸水子申遙巳動丙戌相合用祿權財滾上福綿上白衣脫去紫羅

穿庚辛申酉丑午絕富貴榮華四十年

丑遙巳格

楠曰丑遙巳格取癸丑日丑字多遙合巳中戊土爲官星要丑字多又辛丑日亦遙合巳中丙火爲官星畏有巳字填實畏有寅字絆了丑不能搖理亦同前

辛癸日多逢丑地不喜官星歲時逢子巳二宮虛名虛利

或曰此格舊傳以辛丑癸丑二日用丑多爲主以丑辛動乙中丙火戊土爲官星喜申酉二字但得一字合起爲妙若四柱中原有子字絆住巳字填實是不能去遙歲運亦同原無官星方用此格未有喜官運之說而格解

謂喜官運何也余曰此格固不可見官星然四柱身及
旺亦喜官鄉運與子運同斷故古歌云辛日癸日名途
丑名爲遙巳合官星莫言不喜官星旺誰信官來返氣
成又觀古歌云諸般貴氣雖合格六格大綱難去得更
看向背運辰行不可一途而取則子運丑運二格身大
旺喜向官運益明矣

鷓鴣之云癸辛二日丑宮中遙合巳上得官星申酉合巳
功名顯富貴榮華萬事通丙丁破戊巳冲重禍列鼎及恩
榮年時有子終爲絆如無此字位三公

補曰丙丁破是言辛日大運遇丙丁官殺也戊巳冲是
言癸日大運遇戊巳官殺也重禍列鼎及恩榮正格解

所謂喜官運也

王騎龍背格

格曰王騎龍背格取壬辰日辰字多則能冲出戌中丁火爲財星要辰字寅字多寅多則能合戌然以騎龍爲言非根正理但取美名以動人聽信取辰字多冲戌理亦頗有不可專以此論禍福八字中無別正格方以此忝看

喜忌篇云陽水叠逢辰位是王騎龍背之鄉

古賦云此格以壬辰日爲主四柱見辰字多者貴寅字多者富子日坐辰土以丁爲財以巳爲官以辰冲戌中丁戌壬辰日得財官而寅午戌三合或壬日坐寅却要年

月時上多聚辰字方可爲貴若壬辰日有年月時上皆有寅字只爲富命以寅午戌爲財得地若年月時皆辰字則冲出財官所以名揚四海威振八方而大貴也
古歌云壬騎龍背怕官居重重叠叠辰貴有餘設若寅多辰字少須應豪富此陶朱

鷗鵠天云壬騎龍背喜非常寅字多兮福命祥辰字若多官印重韜畧英雄佐聖王榮封紫誥綬金章澄清四海鎮邊疆先賢立就窮天理肅整威儀壓四方

井欄又格

楠巨井欄又格蓋取庚子庚申庚辰三日要申子辰全冲動午戌財官爲庚日之財官也畏有寅午戌字則破

壞此格矣

庚日時逢潤下忌壬癸巳午之方時遇子申其福減半
舊註曰此論井欄叉格蓋言六庚日生人地支得申子
辰全乃謂全逢潤下蓋庚用丁爲官而子冲午庚用木
爲財而申冲寅戌中戌土爲庚之印而辰冲之以申子
辰三又來冲寅午戌爲財官印綬四柱中須用申子辰
全爲貴不必三个庚字若有三庚尤妙只要庚日生庚
年日時或戊子戌辰不妨但得交申子辰全也喜行東
方財地北方傷官南方火格不爲貴此乃壬癸巳午之
方而此格最忌者也若是時遇丙子則是時上偏官若
時是申時則是歸祿格其福減半則福氣不全虛名薄